


OKUNANGALA OSHIVELO

SHOMUTONDI KONIMA YEYELEKO

 Onghumwe kutya...Ou shi shii, ondi na ediladilo linini, shafa, okumona ovanhu va fikama ngeenge hatu lesa Ondjovo. Ku shi hole? Otwa fikama okuyandja efimaneko, otwa fikamena po oshiwana shetu, omolwashike haku fikamena po Ondjovo paife?

2 Fimbo twa fikama ashike omunute. Onda li handi lesa oshinyolwa, ha nale unene, nonda li handi lipula onguloshi ovanhu ovo va fikamena po Kristus. Nge ino shi ninga, ito shi ningi nena?

3 Opa li omuevangeliste munene, lwomido omilongo heyali-nanhanu da ya, itandi diladila ashike edina laye. Onda diladila ola li Arthur McCoy, nokwa taulula oshilongo. Ndele oufiku umwe okwa twa ondjodi kutya okwa i le kOukwaalushe. Ndele ta ti okwa ya fiyo opOshivele, nokwa ti ina ve mu pitikila mo. Ndele ta ti okwa ti, “Aame Arthur McCoy okudja kOmapangelo Ahangana. Ame omuevangeliste.”

4 Onghee omukeelelishivele aya mo, (paife eshi osha li ondjodi), nokwa ya mo, ta ti, “Nghi wete mo edina loye nande.”

Okwa ti, “Iya, onda li omuevangeliste.”

Okwa ti, Omufimanekwa, onda . . .”

5 Okwa ti, “Iya, ope na omhito kutya . . . Ope na sha shapuka.”

6 Okwa ti, “Ahawe, omufimanekwa. Onda na Embo apa. Nghi wete mo edina loye nande.”

Nokwa ti, “Iya, nandi ninge sha kombinga yasho?”

7 Okwa ti, “Oto dulu oku holola oshimbofa shoye kOshipangelapundi Pangulo Shitoka.” Kalunga, kwafa. Inandi hala oku kala ko.

8 Okwa ti, “Iya, nge olo alike elineekelo lange, ondi wete ohandi ka holola oshimbofa shange hano.”

9 Ndele ta ti hano e lipula a ya ondjila kokule, ndele ashike...Nongaashi a tameka, ta ti osha li omilaulu, noshayela nokuyela, ndele ta ti osha fa paha li onhele yonumba Ouyebele ou wakanghama, ashike okwa li lela mokati kaWo. Ndele ta ti Okwa ti, “Olye a palamena Oshipangelapundi Shange shEpangulo?”

10 Okwa ti, “Aame Arthur McCoy. Ame omuevangeliste, nda tuma eemwenyo dihapu kOuhamba.”

Okwa ti, “Edina loye ina li monika mo mEmbo?”

“Ahawe.”

Ta ti, “Hano owa holoka kOmhangu Yange?”

“Eheno, omufimanekwa.”

11 “Oto ka tambula ouyuuki. Ohandi ku pangula paemhango Dange. Arthur McCoy, owa popya nale oipupulu?”

12 Okwa ti, “Onde lipula onda li omulumenhu muwa a wapala fiyo nda fikama mOuyeleele oo.” Okwa ti, “Ashike mOukalipo wOuyeleele oo, onda li omulunde.” Atushe osho hatu kala ngaho. Oto dulu okuuda wa amenwa paife, ashike teelega fiyo we uya Kwinya. Oto shi diladila ngahelipi okuuda apa ngeenge Ta vaeke? Ou udite kanini ngahelipi! Otashi ka kala ngahelipi kOshipangelapundi Pangulo Shitoka osho?

Okwa ti, “Owa popile nale oipupulu?”

13 Okwa ti, “Onde lipula onda kala moushili, ashike oinima imwe inini oyo nde lipula ya li inini oipupulu itoka, oya ninga ya kula noilaula Kwinya.”

Okwa ti, “Eheno, omufimanekwa, onda popya oipupulu.”

Okwa ti, “Owa vakele nale?”

14 Okwa ti, “Onde lipula onda kala omwiinekelwa kombinga yasho, noinandi vaka nale, ashike ta ti, mOukalipo wOuyeleele oo, onda—onda dimbulula opa li omaungaungo amwe oo nda shila, oo a li ashike inaa yuka.”

Okwa ti, “Eheno, omufimanekwa, onda vaka.”

Okwa ti, “Epangulo lange . . .”

15 Ndele okwa li ashike pokulilongekida okuudu etokolo laye, “Inda momundilo waalushe oo wa longekidilwa omunawii novaengeli vaye,” ta ti keshe ekipa ola li ta li di kumwe.

16 Ta ti, “Onda uda ewi linyenye inandi li uda nale monghalamwenyo yange.” Okwa ti, “Eshi nda punguluka ndi tale, onda mona oshipala shinyenye inandi shi mona nale; shinyenye shi dulife oshipala shomumeme, ewi linyenye lidulife meme ine li ifana nge nale.” Ta ti, “Onda lengalenga. Onda uda ewi, la ti, ‘Tate, osho oshili, okwa popya oipupulu ndele kali ashike omulineekelwa. Ashike, kedu okwa fikamena Nge po,’ ta ti, ‘paife Ohandi fikama monhele yaye.’”

17 Osho osho nda hala shiningwe Kwinya. Onda hala oku Mu fikamena po paife, kutya, eshi efimbo olo ta li uya, Okwa fikama monhele yange.

18 Natu leshe okudja Genesis 22; 15, 16, 17, novelise 18.

Ndele omwengeli wOMWENE okwa ifana kuAbraham okudja keulu lutivali.

Ndele ta ti, Muame mwene Onda ana, OMWENE ta ti, osheshi molwaashi owa ninga oshinima eshi, noino anyena nge omumwoyemati, ewifa loye alike:

Opo mokuyambeka Ohandi ke ku yambeka, . . . okuhapupalifa Ohandi hapupalifa oludalo loye ngaashi eenyofi dokeulu, nongaashi eheke olo lo pomhunghulo wefuta; noludalo loye tali ka nangala oshivelo shomutondi walo;

Nomoludalo loye oiwana aishe kombada yedu tai kayambekwa; molwaashi ove wa dulika kewi lange.

Natu ilikaneni.

¹⁹ Tate Omukwaulu, tambula eleshelo paife, Omwene, noku tu hongwa. Omhepo Iyapuki humbata Eendjovo, Omwene, oku ya komutima keshe. Opo shi wanife omateelelo etu omutenya ou, osheshi omanene, Omwene. Ndele Owe tu lombwela tu pule pauyadi, opo ehafo letu li wanene. Otwe shi pula mEdina laJesus. Amen.

Kaleni omutumba.

²⁰ Nge nandi ifane eshi eleshelo, mounhito vashona. Ewi lange ola nghundipala, onghee osho etomelo ndi na oku fikama pokambako. Ondi shi shii ope na elialuko, ashike ohatu li hepeke kanini. Onda hala oku shi ifana: *Okunangala Oshivelo ShOmutondi Konima Yeyeleko.*

²¹ Oshiningwanima shetu osha yeuluka ku shimwe shomoiningwanima iwa unene muAbraham. Ou shi shii kutya Abraham oye xe yovadiinini. Neudaneko ola ningwa kuAbraham. Ndele aveke ovafyuululi pamwe naye, okupitila Kristus, oyo aike ondjila fye twa tambula eudaneko, osho okupitila Abraham. Paife, Abraham a li ashike omunhu wanafangwa, ashike okwa li omwiifanwa waKalunga nokwa li omudiinini keifano olo. Eshi Kalunga a popya ku ye, Abraham ina limbililwa nande oshikando shimwe ewi olo. Okwa kala nawa nalo. Kutya nee oudjuu wa li ngahelipi, okwa kala nawa nalo.

²² Ndele hano okwa li a udanekelwa omonamati. Nokwa teelega omido omilongombali-nananho okutambula omonamati oo, okwiifana kesheshimwe omhinge kusho onga nande hasho sha li. Ndele hano, nomomonamati ou, omapata aeshe okedu a li taa ka yambekwa. Ndele ependafule ola li la diinina keifano lalo nOndjovo ya udanekwa.

²³ Okwa li oshihopaenenwa kwaasho fye tuna oku kala. Paife fye, twa fya muKristus, otu li Oludalo laAbraham.

²⁴ Paife, opa li omaludalo avali aAbraham. Limwe lomulo la li oludalo paushitwe; likwao la li Oludalo pamhepo. Umwe womuvo a li paushitwe, pambelela yaye; likwao limwe la li Oludalo leitavelo laye, eitavelo, opo fye yoo tu kale Oludalo laAbraham paNdjovo ya udanekwa.

25 Ndele paife konima ye a yelekwa omido dile omilongombali-nananho, ndele, ponhele yoku kula a nghundipala, okwa kula a nghonopala. Uwete, nge inashi ningwa momudo wotete, omudo washikula otashi ka kala oshikumifilonga shinene, molwaashi osha li omido mbali. Nokwa ndumbila omido odo, ngaashi ta kulupa, nolutu laye lafya. Oidalelo yaSarah, oshidalelo, ile sha (shina) li ongadji. Nongheenee omafa aye ali aya, nosha li. . . Itashi dulika filufilu.

26 Owa diladila nale osho Kalunga a ninga kwinya? Uwete, Ka li nande unene ngaashi ashike a ninga oshidalelo shaye shi ime. Osheshi, dimbuluka, nge Okwa ninga ngaho, hano dimbuluka nge Okwa ninga ngaho. . . kave na oukolele nomakende oundjolowele oo, momafiku enya, oku pa okahanana, omashini okudja mongobe. Uwete? Naye yoo okuna oku. . . Omidi domashini daye oda kukuta. Onghee Ye—Ye ita dulu ena. . . Ope na oku kala pa ningwa sha.

27 Hano, tala komukainhu, womido efele, oku ya moshifeta. Omutima waye kau na oku shi fikama. Oshi djuu paife omukainhu, omido omilongo nhee, oku shi ninga. Omutima waye itau dulu oku shi fikama. Onghee u shi shii eshi Ye a ninga? Nge oto didilike. . .

28 Paife ondi shi shii vahapu tava dulu kuhatwa kumwe. Nge eshi oshi li nawa okuninga epopilo eli? Uwete, ondi. . . Ota shi kala ashike omadiladilo ange mwene.

29 Uwete, Ombibeli oyo Embo loshipwe. Oya shangwa opo shi holekwe eefikola, omuteolohi. Vangapi veshi shii osho? Jesus okwa pandula Kalunga. Okwa ti, “Ohandi Ku pandula, Tate, Ove we Shi holeka ovanongo novanaendunge, noku Shi hololela eehanana odo ngaashi tadi lihongo.” Olo Embo lohole. Ngeenge ohole yaKalunga ye uya momutima, hano owa wila mohole naKalunga, hano Ote li holola Yemwene, omutyo wOmbibeli. Efatululo lOmbibeli oKalunga Yemwene ta fatulula omaudaneko Aye. Ashike, Ombibeli, Oya nyolwa pokati komufinda.

30 Paife, ngaashi omwalikadi wange, akutu, oye omukainhu muwa unene mounyuni aushe, nondi mu hole lela. Oku hole nge. Onghee ngeenge ame ndi li kokule neumbo, ota nyolele nge onhumwafo, ta ti, “Kaume Bill, onguloshi onda kofeka ashike ounona. Onda kosha nena, naaishe a ninga, nosho tuu.” Paife ota ti ngaha monhumwafo. Ashike, ou wete, ondi mu hole unene, notuli unene nga umwe, fiyo nda—nda dula oku lesa pokati komifinda. Ondi shi shii osho a hala oku tya, uwete, kutya nee okwe shi lombwela nge ile ahawe, uwete. Ondi—ondi shi shii osho a hala oku tya, molwaashi ohole yange kuye, neudeko lange.

31 Iya, osho omukalo Ombibeli ya nyolwa. Uwete? O—o oulihongi otau i lela kombada yasho; itave shi mono nande. Uwete, u noku kala mohole nOndjovo, Ye, “oku Mu shiiva.” Uwete?

³² Paife, paife omu, tala eshi Ye a ninga. Paife Abraham naSarah va li aveshe vakulupa, “vadengwa-nai,” Ombibeli ya ti. Paife ka sha li ashike molwaashi ova li ashike ovanhu va kala ko olule. Ombibeli oya ti kutya, “Ova li va dengwa-nai momido.”

³³ Paife didilika, divadiva konima omwengeli ou a holoka, otwa kala noku shi popya; osho sha li Elohim, Kalunga. Ndele Okwa ti, ta lombwele Abraham, “Ame ohandi ke ku talela po shelikolelela kefimbo longhalamwenyo.” Paife tala aveshe oku kuluka, ova li oludi lOngeleka, ondjila aishe.

³⁴ Paife tala. Apa osheshi sha ningwa po. Paife, Ye ina kukutika ashike Sarah, ndele ta kukutike Abraham. Okwe va alulila kounyasha omulumenhu nomukainhu. Paife osho osha fa shilimbililika, ashike paife tala Ondjovo aishe, nokui tula kumwe. Ondjovo ohai tu omukumo, nou na okutuwa omukumo nOndjovo. Paife, dimbuluka, divadiva konima yaasho, divadiva konima yeholoko lOmwengeli ou . . .

³⁵ Ondi wete ashike kutya, eexwiki odo dimbudu daSarah, meekulu munini noshikelive kombada yomapepe aye, nokambale kanini kondwi, e kwete odibo, ta endaenda. “Ame, ndi na ounyenye nomwene wange, nokwa kulupa, unene?” Uwete? Ndele apa opa li Abraham, eedjedi edi dile, e kwete kodibo, ngaashi a li, a dengwa-nai momido.

³⁶ Ndele ondi wete, ongula ya shikula, omapepe aye taa tameke okuyukilila, onhunda tai di kombuda yaye. Eexwiki daye tadi tameke okulunduluka. Vo ova shuna kounyasha omulumenhu nomukainhu. Ashike euliko eshi Ye ta ka ninga kOludalo Lopauhamba laAbraham, uwete, eshi hatu “lundululwa mokafimbo, mepakumo leisho, nokuvakulwa po kumwe.”

³⁷ Tala eshi sha ningwa po. Paife nandi yelife eshi kuove. Paife ova kufa olweendo okudja konhele oko va li, kwinya kuGomorra; ndele tava i nondjila aishe kuGerar, mwinya medu lOvafilisti. Owa didilika? Shi didilika mokaalita, oukule shi li. Olweendo lile lela kovakulupe ovakalipamwe vomido odo.

³⁸ Ndele hano, ponhele yaasho, me—medu lOvafilisti kwinya, omwa li omunyasha ohamba yedina Amalek, nokwa li ta kongo omwalikadi. Ndele oku na oukadona aveshe ovo vava Ovafilisti, ashike eshi ye a mona meekulu, okwa ti, “Omuwa oku tala,” nokwa wila mohole naye noku hala oku mu hombola. Osho oshili. Uh-huh. Uwete, okwa li muwa. Uwete?

³⁹ Okwa alulilwa komukainhu omunyasha. Didilika, ye e na oku, oku eta okaana oko. Kalunga okwe mu ninga omushitwa mupe. Ndele ye e na oku, oku tekula okaana aka. Ndele dimbuluka, Abraham, “olutu laye lii ngaashi la fya,” naSarah okwa fya eshi Abraham a li . . . Isak a li nomido omilongonhee-nanhanu, onda itavela, eshi Sarah afya. Ndele

Abraham okwa hombola omukainhu umwe nokwa mona ovanamati vaheyali povanakadona, konima yaasho. Ha-ha! Amen.

⁴⁰ Uwete, lesa pokati komifinda. Osho oludi. Otashi ulike opo osho Ye ta ka ninga kOunona aveshe vaAbraham. Ashike otu li popepi nasho paife ngaha, onghee omapepe etu avandalala nakesheshimwe itashi ningi eyooloko lasha, ookaume. Neexwiki detu dimbundu ndele kutya nee oshike, kashi na mbudi paife. Ihatu tale konima. Natu tale komesho kwaasho hatu uya kusho.

⁴¹ Ndele dimbuluka, edidiliko eli fye tu wete, la li edidiliko laxuuninwa olo Abraham naSarah waye va mona, manga omonamati a udanekwa ine uya meholoke po. Otwa itavela otu li potundi oyo.

⁴² Ependafule, konima eshi okamati aka ka dalwa. Iho lipula Isak, lwopomido omulongonambali; okaholike kanini, okamati keexwiki-dakelela, omesho-mandjibi manini? Ohandi lipula nghee ina oo a uda; omukainhu omunyasha muwa, nosho yo, naxe yaye. Ndele efiku limwe, Kalunga ta ti, paife, molwa oshihopaenenwa; otu li kokule, otundi otai uya. “Onde ku ninga xe yoiwana, okupitila mokamati aka, ashike Onda hala u twale okamati aka koxulo yomhunda oyo Handi ke ku ulikila, nOnda hala u mu dipaele ko, onga eyambo.” Iho lipula ngaho?

⁴³ Paife ove ino pulwa nale okuya keyeleko ngaashi ngaho. Ye iha ningi ngaho paife. Osha li oihopaenenwa, omididimbe.

⁴⁴ Abraham okwa tilile? Ahawe, omufimanekwa. Abraham okwa ti ngaha, “Ame onda yeletwa pauyadi kutya ye ota dulu oku mu nyumuna koufi, osheshi onde mu tambula ngaashi umwe okudja koufi. Ndele nge elombwelo laKalunga olo a lombwela nge ndi ninge ngaha, nonda kala moshili kulo, nosha futwa, oku pange omonamati; Kalunga ota dulu oku mu nyumuna koufi; okudja oko nde mu tambula, onga olupe.”

⁴⁵ Akutu, ame, kaume! Nge Kalunga e mu pa nye Ovapentekoste Omhepo Iyapuki, okupopya momalaka, oshihapu ngahelipi opo mu itavele eenghono develulo Laye, nouwa Waye nonghenda! Nge Okwa ninga ngaho, omhinge novateolohi aveshe moshilongo! Ova ti itashi dulu okuningwa, ashike Kalunga okwe shi ninga molwaashi Okwe shi udaneka. Hano fikama pOndjebo yoye, Ondjovo yoye, Eongamukonda loye, itavela Ondjovo yaKalunga. Kalunga osho a ti, nosha wana!

⁴⁶ Didilika, paife, okwe mu kufa omafiku-atatu olweendo okudja ko, nemwili. Paife ohandi dulu okweenda, eshi nda li mopatolola, onda enda eemaila omilongo nhatu keshe efiku, okupitila mombuwa; ndele otwa mona omadi yohaasa, onghee okupopya. Ashike vo ovanhu, omukalo auke wavo woundalasisipota, owa li ashike okukaila ondongi ile-ile

okweenda. Ndele okwa ya omafiku-atatu olweendo okudja oku ye a li, ndele hano okuyelula omesho aye, okudja mombuwa, noku monena omhunda kokule.

47 Okwa kufa Isak nokumanga omake aye. Osho, atushe tu shi shii, muGenesis 22 apa, oludi laKristus. E mu wilikila komhunda, a mangwa, ngaashi Jesus a li a wilikilwa komunda, Omhunda Kalvali; oludi laKalunga a yandja Omona Waye, osho naana.

48 Ashike eshi va ya ko, nokwa li ta dulika, Isak a tameka okufeekelela. Okwa ti, “Tate, oikuni oyei, oaltari oyei, omundilo oyoyu, ashike eyambo oli li peni?”

49 Ndele Abraham, oo a shiiva momadiladilo aye, natango Ondjovo yaKalunga opo ya fikama, okwa ti, “Mumwangemati, Kalunga ota dulu okulimonena Yemwene eyambo.” Ye okwa ifana onhele, “Yehova-Telimonene.”

50 Ndele eshi a manga omonamati, okwa dulika keyfo; e mu yala koaltari, a pweya omukonda moshilaleko, nokutameka oku kufa omwenyo womonamati waye mwene. Ndele, eshi ye a ninga, Shimwe sha kwata eke laye, noku tya, “Abraham, kaleka eke loye.”

51 Ndele pefimbo opo, odi ondume oya kwena, konima yaye, neembinga dayo dangovekwa mombuwa.

52 Owa diladila nale, odi ondume oyo oya dja peni? Dimbuluka, oshilongo oshi yadi eenghoshi nomambungu nookavandje, noilikama oyo oixwaki-yeedi. Ndele okonima kokule ngahelipi okudja keputuko ye a li? Ndele, hano, pombada koxulo yomhunda, oko kuhena omeva. Ndele okwa toola po omamanya, apeshe, okuninga oaltari. Odi ondume oyo oya dja peni? Uwete?

53 Ashike ka sha li emoniko. Okwa dipaa odi ondume; oi na ohonde. Okwa ti ngahelipi? “Kalunga ota dulu okulimonena Yemwene eyambo.”

54 Ongahelipi *ove* toka dja mo moshipundi osho? Ongahelipi okaana *oko* kelegelege taka ka kala nawa, ile *ove* oku dja koshipundi osho, *ove* okudja ko, *ove* noupyakadi womutima? Keshe omukundu, “Kalunga ota dulu okulimonena Yemwene.”

55 Abraham okwe shi itavela. Ependafule ola kala noshili keudaneko. Ndele Okwa yandja eudaneko, kutya, “Oludalo loye! Molwaashi owa itavela Ondjovo Yange, noshihe na onghalo oyashike, oludalo loye ota li ka nangala oshivello shomutondi walo.”

56 Omolwashike? Keshe omutondi oo teuya po, onga olupe, omhinge naAbraham, Abra-... Omutondi wa, “Okwa kulupa unene. Ame onda kulupa unene. Aishe *ei*, nakesheshimwe shilili.” Okwa kala natango a yuka shili keudaneko olo.

57 Paife, ovalumenhu ovo va nangala eitavelo olo, natango otava kufa Ondjovo yaKalunga shihe na neenghalo. Paife, nge ito dulu okuninga ngaho, hano ove kufi Oludalo laAbraham. Olo eitavelo Abraham e na, Oludalo laye.

58 Eudaneko laAbraham ola li kutya laye “Oludalo,” paife Oludalo lopauhamba laye, yoo, ngaashi nde mu lombwela nale. Ndele oshipatifo eshi Ye a pa Abraham, sha li oshipatifo sheudaneko. Ndele Oludalo lopauhamba, shelikolelela kOvaefeso 4:30, ola “patwa nOmhepo Iyapuki,” konima va fikama eyeleko. Kendabala oku shi diladila.

59 Vahapu va diladila vena Omhepo Iyapuki. Vahapu tave li ti ovena Omhepo Iyapuki. Vahapu tava dulu okuulika omaumbangi nomadidiliko asho. Ashike, natango, nge itashi kala nOndjovo ei, kashi fi Omhepo Iyapuki. Uwete?

60 Owa itavela keshe Ondjovo, hano owa patwa konima yeyeleko. Ngeenge twa itavela keshe eudaneko mOndjovo, hano otwa patwa nOmhepo, oku koleka eudaneko. Osho oshike, osheshi Abraham, omukalo e shi ninga. Hano, ndele hano ashike, otuna oufemba okunangala oshivele shomutondi wetu. Ito dulu oku shi ninga nafiyo tete wa ninga Oludalo olo. Dimbuluka, mOmbibeli . . .

61 Onda popya musho, koHouston ile kumwe po, kukwao . . . ile, ndi tye Dallas. *Edidiliko*.

62 Uwete, o—o Omujuda ta dulu okuulika, mwinya muIsrael, kutya ye a li Omujuda pakengho. Ashike Kalunga okwa ti, “Ngeenge Handi mono ohonde! Nohonde otai kala kunye edidiliko.”

63 Omwenyo oo wa li mohonde itau dulu okuuya momulinyongameni, molwaashi, iya, owa li omwenyo woshinamwenyo, owa li omudidimbe auke we uya kOmwenyo wolela. Hano, okemistili, ohonde yovene, oina oku kala yatilyana pomuvelo nopeemhango dopomuvelo.

64 Vaekifa oshisopi, osho shi li ashike oshimbodi shongaho, okuulika kutya ino pumbwa oku kala una omaitavelo amwe opombada. Ouna ashike oku kala una shelifa, eitavelo una, shafa una oku xwameka otuwa yoye, ila kongeleka. Uwete? Ovanhu vahapu tave lipula vena oku kala sha . . . Ashike, ahawe, ahawe, osha puka. Eitavelo longaho ashike olo alishe una oku vaeka ko Ohonde. Uda Ondjovo, ndele itavela Ondjovo, I vaeka, opuwo. Toola ashike oimbodi keshepamwe moPalestine, sha li oshisopi, oshimbodi ashike shinini shamena momifya domakuma, naapeshe, yayavekwa mohonde yavo noku i tula poshikulo nopeemhango domuvelo.

65 Ndele, dimbuluka, nghina konasha oshifike peni vali mehanganano, oshifike peni Omujuda ta dulu okuulika a li a

kenghwa, okwa li omunhu muwa ngahelipi, ehanganano alishe la li longaho kakele e—e edidiliko la li po. “Ngeenge Handi mono ohonde,” aike.

⁶⁶ Paife, Ohonde paife, Edidiliko, kaifi okemistili, okemistili yOhonde yaKristus, 'shaashi Oya li yatilwashi omido omayovi dakapita.

⁶⁷ Ashike, ou wete, opo...pe na okukala okemistili opo, omwenyo moshinamwenyo itau dulu okuuya momunhu, molwaashi onkalamwenyo yoshinamwenyo kai nomwenyo. Oshinamwenyo kashi shii ouwa nowii. Ounhu oo una omwenyo.

⁶⁸ Paife, ashike eshi Jesus, Omona waKalunga, omudalwa-kokadona, a tilashi Ohonde Yaye, Omwenyo oo wali mOhonde wali Kalunga Wovene. Ombibeli oya ti, “Fye otwa xupifwa kOmwenyo, Ohonde yaKalunga.” Haohonde yOmujuda, haohonde yOmupaani; ashike Omwenyo waKalunga. Kalunga a shita odopi yOhonde ei, omudalwa kokakadona. Ye ina shiiva nande omulumenhu, ile ye a ninga...ile eyi la ninga li dje kuye.

⁶⁹ Ondi shi shii vahapu vomunye vanhu mwa hala okwiitavela eyi la ninga. Eyi itali dulu oku kala po pehena omaliudo, oshike Kalunga ta ningi hano? Uwete?

⁷⁰ Okwa shita aishe eyi nodopi yOhonde, ndele osha li etwali laKalunga, liyapuki. “Itandi efa Omuyapuki Wange Aeke a mone enyonauko.” Uwete opo eyi la dja? “Ile Ndi efele omwenyo Waye moheli.” Olutu Laye la li liyapuki! Akutu, ame! Ito hale, ito shi itavele, ongahelipi to li ifana Omukriste?

⁷¹ “Fye otwa xupifwa kOhonde yaKalunga.” Opo po eitavelo lange li li. Hakweenda kondje oko mohonde yomuxunganeki, hakweenda kondje oko mohonde yomunhu wanafangwa, ile omuhongi, ile omuteolohi. Oha tweende oko mOhonde yaKalunga. Kalunga osho a ti. Okwa ninga omunhu. Okwa lundulula omhangela Yaye. Okwa tamununa etwali Laye apa, nafye, nokwa ninga umwe womufye. Oye Omukwetu Omukulili wetu. Ye e na okuninga omukwao kufye, 'shaashi osha li omhango. Kalunga a ninga omunhu nokukala mokati ketu.

⁷² Didilika ongahelipi opo, mokuninga ngaha, Okwa dja kuYe, a li Kalunga, Omhepo, nOmhepo oyo tai uya komwiitaveli. Onghee nee, Omwenyo oo wali mEyambo letu, otwa didilikwa kOmwenyo oo welifa.

⁷³ Hano ongahelipi tava dulu okumona Omwenyo waKalunga tau linyenge mokatyeelela kovanhu, noku U ifana oshinima inashi yela, ngeenge Oo elididiliko letu lEyambo letu? “Ou a itavela muAme, oilonga Handi longo naye yoo.” Omwenyo Waye otau alukile keya...okudja kEyambo, ngaashi twa tenheka omake etu kuLo nokulididilika fyevene twa fya

ko komadiladilo etu vene. Hano ongahelipi hatu pitike omaukwaongalo e tu undulile momalongoitavelo noinima, nokutya otwe Shi itavela? Otwa fya ko koinima oyo.

⁷⁴ Paulus okwa ti, “Hashimwe shoinima ei tashi piyaaneke nge,” osheshi okwa li a mangelwa koulela, Kristus. Ndele keshe elihango lashili ola mangelwa koulela, noulela wange oo Ondjovo. Ndele kesheumwe elili oye, osho—osholela sha dalwa kOmhepo, oulela wavo Ondjovo yaKalunga. Ame nda mangelwa kuYo. Onda tenheka omake ange kuYo. Ndele Oya kufa po onhele yange, ndele onde lididilika amemwene naYe. Otu shi shii kutya Okwa udaneka okulididilika Yemwene pamwe nafye. Osho sha eta eitavelo lovene; heitavelo loye mwene, ashike eitavelo Laye; shimwe osho ito kondolola. Ohe shi ningi. Paife didilika. Hano, ndele hano ashike, ngeenge e. . . eudaneko leku ningilwa.

⁷⁵ Kashina nee eengeleka ngapi wa djoina, oikando ingapi wa shashwa; tala komesho, keenima, keshe omukalo wa hala. Nafiyo Oshipatifo osho sha tulwa kwoove, hano ku na oufemba oku li ifana wa kwatakanifwa nEyambo loye.

⁷⁶ Ndele Oshipatifo shaKalunga oshike? Ovaefeso 4:30, otava ti, “Ino nyikifa oluhodi Omhepo Iyapuki yaKalunga, opo nye mwa patwa fiyo Efiku lekulilo leni.” Haku dja kepapuduko limwe kuya kulikwao, ashike epato Laalushe nafiyo Efiku olo tamu kulilwa ko.

⁷⁷ Ndele, dimbuluka, nge kwa li nale momadiladilo aKalunga, ito ka kala nande naKalunga. Ovangapi ve shi shii kutya Ye a li omukulili? [Eongalo ta li ti, “Amen.”—Sd.] Iya, hano, kesheshimwe sha kulilwa oshina oku alukila oko sha wile. Onghee nge Okwe uya oku tu kulila, ongahelipi fye, pa li efimbo limwe ita tu kulilwa, notwa li atushe “twa dalwa moulunde, twa mewa mowii, twe uya kounyuni hatu popi oipupulu”? Otashi ulike kutya Omukriste lela oye oukwatya wediladilo laKalunga, manga pahali ounyuni, ile onyofi, ile omhepo, ile shimwe shilili. Osho Oukwaalushe, nOkwe uya oku tu kulila ko. Osho omadiladilo aKalunga, a popya moshitya, taa holola noku- . . . shunifa komadiladilo Aye.

⁷⁸ Omukwetu Omukulili! Osho etomelo Kalunga Yemwene e na okuninga umwe womufye, oku kulila. Kape na shilili tashi dulu oku shi ninga. Omwengeli ita dulu oku shi ninga, kape na shilili. Oku na oku kuluka, a hongaulwe ngaashi fye, oku tu kulila.

⁷⁹ Didilika paife oludalo lopaushitwe laAbraham. Natu tale imwe oyo yoludalo lopaushitwe, nokutala nge Kalunga a kaleka po Ondjovo Yaye noludalo lopaushitwe, olo la li Isak. Natu tale amwe oludalo lopaushitwe oo a itavela eudaneko liyadi laKalunga nokae na epulo. Paife dimbuluka, opa li omayovi lwomilongo oikando omayovi oikando yaindjipalekwa omayovi oo a li a kenghwa nakesheshimwe shilili, ndele

natango kasha li Oludalo laAbraham. Osho, “Oo e li Omujuda kombada kefi Omujuda; oo e li Omujuda meni.” Vo, vahapu vomuvo, vadopa, vadopa noululu.

⁸⁰ Tala, mombuwa, ova ti, “Fye...” Efiku lOpassa, ile kokunwa kofifiya, Omuyapuki Johannes 6. Va li aveshe vahafa.

⁸¹ Jesus okwa ti, “Aame Emanya olo la li mombuwa. Aame Omungome oo wa dja kuKalunga, okudja kEulu, nge omunhu teu li noita fi.”

⁸² Ova ti, “Ootate ova lya omanna mombuwa, omido omilongo nhee.”

Okwa ti, “Nove li, keshe umwe, afya.”

⁸³ *Vafya*, kufa oshitya osho noku shi lotoka, tala osho tashi ti, “Etopoko koukwaalushe.” Natango, ova li oludalo laAbraham. *Efyo* okutya “etopoko, ekombololo, shahanaunwa filufilu, ekombololo.” Jesus okwa ti va li vafya, keshe umwe womuvo, natango ova li Ovajuda va kenghwa.

⁸⁴ Uwete, oiunda ifyoona, molwaashi ashike ofye Ovamethodiste, Ovabaptiste, Ovapresbetelia, tuna elihepaululo linini, noinima yafa opo; omunawii okwa itavela ashike unene ngaashi twa ninga.

⁸⁵ Ashike ouna oku kala wa didilikwa naYo. Kalunga okuI na oundobwedi ku sho, kepatu nOmhepo Iyapuki. Pehe na epulo lOndjovo!

⁸⁶ Nge to ti, “Iya, paife, osho osha li shefimbo likwao,” ope na sha shapuka.

⁸⁷ Ashike nge omunhu e uya ta lotoka, nowe mu lombwela ouyelele wali tau vilima, nokwa lotokela pedu koshikololo, ta ti, “Onde shi anya ashike. Onde shi anya ashike. Kape na oshinima osho onga ouyelele. Inandi shi itavela”? Ope na okukala sha shapuka nomunhu oo. Oku na okukala pamadiladilo apiyaana. Nge okwa anya oupyu weenhe dalo nodjo yandji-mwenyo yalo, ope na sha shapuka naye, pamadiladilo.

⁸⁸ Ndele ngeenge omunhu e wete Ondjovo yaKalunga, ya yelifwa komesho yaye, noya didilikwa, ndele hano ta idile nokushilila pedu omalapi oukwaongalo waye, ope na sha sha puka nomunhu oo, pamhepo. Shonumba osha puka naye. Ope na sha pamhepo sha puka. Ite Shi tambula ashike. “Omupofi, ndele ke shi shii,” a uka kEpangulo, naKalunga ta kala omupaguli.

⁸⁹ Didilika eshi va—va ninga ngaha, nomaludalo aa paife e Shi itavela, tala eshi sha ningwa po. Natu tale vamwe vomuvo paife, oludalo laAbraham.

⁹⁰ Natu kufe ounona Ouheebere, 'shaashi ova fikama shili ndele inava pitika elinyongameno-shihongwafano. Ova anya okulinyongamena oshihongwafano osho ohamba yoshiwana ya ninga. Osha ningwa konima yomulumenhu omuyapuki, unene, oshihongwafano shaDaniel.

⁹¹ Sha ulikwa kutya oludi lOvapaani ola etwa mo koshi yombinga yoipupulu, yokulinyongamena oshihongwafano shomulumenhu omuyapuki. Otashi i omukalo welifa, eshi ovanhu tava fininikwa okulinyongamena oihongwafano yovanhu. Oshe uya mo pahololo, laDaniel a dule okufatulula Ondjovo, oyo ya li yashangwa keshangeloke kekuma. Oo omukalo she uya mo, ndele osho omukalo tashi i, omukalo welifa, woshihongwafano shOmupaani.

⁹² Didilika, ova anya oku shi ninga. Ndele oshike va ninga? Ova li oludalo laAbraham la fikama shili kOndjovo, nova nangala oshivelo shomutondi, womundilo. Ove shi ninga. Iya, Ondjovo yaKalunga oyoshili.

⁹³ Daniel, a yelekwa molwa okulinyongamena Kalunga umwe woshili. Okwa yelekwa molwa sho. Ndele mefimbo leyeleko, okwa fikama eyeleko. Ndele oshike Kalunga a ninga, konima osha monika shafa sha li otyeepisa yaye, ngaashi hatu dulu okutya? Ndele kave shii eshi vena okuningi. Ova li tave ke mu likifa po konghoshi. Ashike Daniel okwa kala shili keyeleko, kutya ope na Kalunga umwe woshili, nokwa nangala oshivelo shomutondi waye. Kalunga okwa pata okanya konghoshi.

⁹⁴ Moses okwa kala shili koshitya shaudanekwa, manga ovahopaeneni ovanaipupulu, Jambres naJannes, meyeleko. Tala, Kalunga okwe mu shakeneka, noshipwe, e mu lombwela aye aka ninge oinima ei, a ulike omadidiliko aa, nakeshe edidiliko oli na ewi. Moses okwa ya a ukilila, ashike ngaashi oshili ngaashi eshi shii. Okwa ekela pedu odibo, noya ningi eyoka. Ou shii eshi sha ningwa po? Apa pe uya ovahopaeneni nokuninga oshinima shelifa.

⁹⁵ Paife, Moses ina ekela po omake aye, a tye, “Iya, ondi wete aishe oya puka.” Okwa kala po nokuteelela kuKalunga. Okwa kala shili. Ka shina nee ovahopaeneni vangapi va li po, okwa kala shili. Ndele eshi a kala shili koshilonga shaye, oku kufa mo ovanhu ovo monhele oyo. Eshi omeva oshivelo a ya mondjila yaye, Kalunga e mu pitika ea nangale, ndele Okwa patulula omuvelo nOluudi lOmundilo olo la li tali mu wilike. Okwa twala ovanhu kedu la udanekwa.

⁹⁶ Josua, omuwiliki munene mukwao. Vavali aveke okudja...vaya kedu la udanekwa, Josua naKaleb. Ove uya konhele ya ifanwa Kadesh, oyo ya li endiki lounyuni pefimbo olo, mokutya ngaha oyo ya li oshipundi shepangulo. Ndele, akutu, ova tuma eendaadi omulongo nambali dika lave kedu, nomulongo navavali vomuvo va aluka.

⁹⁷ Omulongo vomuvo ova ti, “Akutu, oshihapu unene moilonga. Itatu dulu ashike oku shi ninga. Iya, ovanhu ovo, ohatu monika twafa oshipaxu kombinga yavo.”

⁹⁸ Ashike oshike Josua a ninga? Okwa ngungumaneka ovanhu. Okwa ti, “Teeleleni omunute. Otuva hapu tu dule oku li kufa ko,

kashina nee otuvanini ngahelipi, ile vangapi mounini.” Oshike a li ta ningi? Okwa li a fikama shili keudaneke olo, “Ohandi mu pe edu eli,” ashike oto lwile keshe okaima kalo.

⁹⁹ Owe shi itavela, meme? Kalunga okwe ku pa eveluko loye, ashike ouna oku lwila keshe okaima kalo. “Keshepamwe oilyatifo yomhadi yoye tai lyata, opo Handi ku pe enangalo.” *Eenyolemhadi* okutya “enangalo.” Ashishe oshoye, keshe eudaneke oloye, ashike ouna ku lwila keshe okaima kondjila mopaife.

¹⁰⁰ Paife, Josua oku shii osho Kalunga a ti. Okwa li oludalo laAbraham. Uwete? Okwa ti, “Onde shi itavela, kutya Kalunga okwe tu pa edu, notu vahapu tu dule oku li kufa ko.” Ndele molwaashi okwa fikama eyeleko, omhinge nongudu aishe yOvaisrael, ominghoko adishe novanhu aveshe vakema nokulila. Josua okwa ti, “Ngungumana! Kalunga okwa ninga eudaneke.”

¹⁰¹ Kashina nee owa kula ngahelipi, noukwamhinge eshi uli, naasho ndokotola a ti, Kalunga okwa yandja eudaneke. Oshi li kuKalunga oku shi ninga.

¹⁰² Oshike a ninga? Eshi e uya komulonga waJordan, okwa nangala oshivelo. Osho osho a—a ninga.

¹⁰³ Jeriko, okwa patwa afa kashima moshipeta. Oshike a ninga? Okwa nangala oshivelo.

¹⁰⁴ Nande efiku limwe eshi omutondi waye a li takendabala oku mu kufa, okwa nangala oshivelo shomutondi waye unene eshi a lombwela etango likanghame. Ndele etango la dulika kuye, noina li tanauka nande meetundi omilongombali-nanhee.

¹⁰⁵ Kalunga oye oshili keudaneke Laye, kashi na nee kutya oshike E na okuninga; a mbangolotife Omaulu manga Ta pitike Ondjovo Yaye ifindike. Ina ninga nande eudaneke olo Ita kaleke po. “Aame Omwene handi velula omaudu eni aeshe. Nge ova tenheke omake kovanaudu, otava veluka.” Amen, “Nge oto itavele, oinima aishe otai dulika.”

¹⁰⁶ Josua okwe shi itavela, nonande Kalunga e na okukangheka edu liha tanauke. E li kwatela po nEenghono dimwe, eenghono Daye Mwene; kutya ounyuni inau tanauka nande meetundi omilongombali-nanhee, fiyo Josua a kwatela onghone yemwene omutondi waye. Okwa kufa ko oivelo. Neshiivo, okwa ninga. Kalunga oye alushe oshili.

¹⁰⁷ Paife onda hala ngeno otu na efimbo okuya komapenda mahapu, ashike ondi na ominute omulongo lwaapo paife. Tala, omapenda aeshe aa mawa, ngaashi va li, novafindani vanene veitavelo, aveshe ova fya poshivelo shefyo. Aveshe ova nyonauka po, lela poshivelo shefyo.

¹⁰⁸ Hano ila nOludalo Lopauhamba laAbraham. Aveshe ova li oludalo lopaushitwe, okudja Isak. Ashike apa ope uya Oludalo Lopauhamba laAbraham, olo la li Kristus, Oludalo laAbraham

lopaitavelo; osho twa wana oku kala, ashike tala ngee osho tuli ile hasho. Oludalo lopaushitwe alike la li oludi. Aeshe akwao okwa dalwa padalo loushitwe, ashike Okwe uya padalo lokakadona. Uwete, osho kasha li sholudalo laAbraham, hano, Omujuda. Okwe uya paludalo leitavelo leudaneko. Ndele, hano, otwa wana oku kala ounona Vaye, okupitila Omulumenhu ou.

¹⁰⁹ Tala osho Ye a ninga. Eshi Ye a li kedu, Okwa finda nokunangala keshe oshivelo shomutondi ena; Oludalo Lopauhamba. Okwe shi udaneka paNdjovo. Okwe shi finda. Okwa finda oshivelo shouyehame, molwetu. Osho osho Ye e uya okuninga. Ye, dimbuluka, ovanaudu, Okwa finda oshivelo osho. Ove kuna oku shi findana; Okwe shi finda. Ovalumenhu vakwao ove na oku findana oivelo yavo vene. Ashike ove ku na oku findana; osha findwa nale. Okwa finda oivelo youyehame. Ndele Okwa ninga shike eshi Ye a finda oivelo youyehame, ta ti kutya Ota dulu? “Keshe osho tamu pula kedu, nokeshe osho tamu mange kedu, Ote shi mange mEulu,” tu pa eeshapi koshivelo.

¹¹⁰ Okwa finda oshivelo shemakelo, paNdjovo. Neeshapi oda li, “Hanyeneni omutondi, ndele temu i onhapo.” Okwe shi finda ashishe; a finda keshe ouyehame.

¹¹¹ Okwa finda efyo, nOkwa finda oheli. Okwa finda efyo noheli. Okwa findana osho vakwao inava dula oku finda, molwaashi ovoludalo lopaushitwe. Eshi osho Oludalo lopamhepo. Okwa finda omuvelo wombila, nokwa nyumuka mo efiku etitatu, molwa eyukipalifo letu.

¹¹² “Ndele paife otu dulife ovafindani.” Ohatu ende ashike lela musho, onga efyuululo, “Shi dulife ovafindani.” Paife ohatu ungaunga nomutondi a findwa. Ouyehame owa findwa. Efyo ola findwa. Oheli oya findwa. Kesheshimwe osha findwa. Akutu, ame! Ngeno onda li luvali ounene wange, paife pamwe ondi udite luvali onga ouwa. Ohatu tamanana nomutondi a findwa.

¹¹³ Kape na onghumwe Paulus a dula okutya, eshi vali tava tungu ekuma, oku teta ko omutwe waye, okwa ti, “O efyo, oshitwifo shoye oshi li peni? Ulikile nge apa to ningi nge omunyulukuti nokukuwa. Ombila, efindano loye oli li peni, noto lipula oto mele nge ko? Ohandi ku ulikile ku limwe lihenasha kwinya; ndele ame muYe, Ye ota ka nyumuna nge kefiku laxuuninwa.” Omutondi a findwa!

¹¹⁴ Oludalo Lopauhamba laAbraham! Paife, oludalo lopaushitwe itali dulu okuulika ku Sho. Ashike Oludalo Lopauhamba ta li findana, la finda nale, osheshi Ye etu tetekela nokufinda keshe oshivelo molwetu. Oku li paife, konima yomido omayovi avari, Okwa fikama mokatyeelela ketu, Omufindani omunaenghono. Ye ina findana ashike

ouyehame...Okwa finda ouyehame. Okwa finda emakelo. Okwa finda keshe omutondi. Okwa finda eflyo. Okwa finda oheli. Okwa finda ombila, nokunyumuka vali. Ndele omido omayovi avali konima, apa Okwa fikama mokati ketu, omutenya ou, te liholola Yemwene, Omufindani omunaenghono! Amen. Oku li natango apa, enomwenyo, ta shilipaleke eudaneko Laye, Oludalo Lopauhamba laAbraham! Akutu, ame! Nomutondi ota ka...

¹¹⁵ “Ota findi oivelo yomutondi waye.” Kwaavo, Oludalo, Okwa fikama apa enomwenyo e lishilipaleke Yemwene kulyelye? Ovo Omaludalo anuninwa taa dulu oku shi mona. Okwe shi finda. Olyelye, konima yeyeleko laye, leudaneko lOndjovo, ova li va patwa kOmhepo Iyapuki, mOlutu laKristus, kuvo sha kolekwa (oshike?) Ovaheberi 13:8 oku kala osho. Ova patelwa mo kOmhepo Iyapuki, Omhepo Iyapuki oyo ya li pu...Abraham okwe shi mona; paitavelo okwe shi itavela. Ndele paife otwe Yi itavela, tala konima keudaneko laasho Ye a ti. Ndele Johannes 14:12 oya kolekwa momafiku aa axuuninwa, kOmufindani a nyumuka, Yemwene.

¹¹⁶ Haomikalo dimwe; ashike Omunhu, Kristus, Omufindani. Haongeleka yange, ha ngeleka yange Baptiste, ile Opresbystelia yoye, Methodiste, ile Opentekoste, ha kwaasho; ashike okuJesus Kristus. Ota kala nena. Okwa nyumuka ko, molwa eyukipalifo letu.

¹¹⁷ Ndele molwaashi Ye ta kala, Okwa ti hatu kala yoo. “Omunhu ita kala komungome auke, ashike oku keshe Ondjovo,” haoshitopolwa shOndjovo, “keshe Ondjovo tai di mokanya kaKalunga.” “Aame Enyumuko nOmwenyo. Ou a itavele muAme, nonande a li afya, natango ota ka kala. Ou yee a kala noku itavela muAme ita ka fya nande. Owe shi itavele?” Kufa oshivelo shakeshe omutondi!

¹¹⁸ Ongahelipi a finda Bosworth, eshi Kalunga...Bosworth okwa li mOmufindani. Ndele olo etomelo a ti, “Otundi yehafo yonghalamwenyo yange opaiife.” Uh-uhu. Oku shii Omufindani oo Olumaenghono. Eshilipaleko laye la tulumukwa naYe. Akutu, ame! Paife ohatu dulu okwiimba:

Okukala, Oku hole nge; okufya, Okwa xupifa nge;
Okupakwa, Okwa humbata po omatimba ange;
Okunyumuka, Okwa yukipalifa oshali fiyoalushe;
Fikulimwe Ote uya, O efiku loshinge!

¹¹⁹ Kwaavo veli vewete va findika. Eddy Perronet, onda itavela osha li, ina dula okulandifa omaimbilo aye Oukriste. Kape na umwe aa halele. Kave na eshi tavaa longifa. Akutu, a findika, ndele omwiitaveli! Efiku limwe, Omhepo Iyapuki

ye uya kuye. Oshivelo shomutondi waye, oo ita tambula ounghulungu waye! Omhepo ye mu denga, nokwa vakula opena, Kalunga e mu pitika a shange eimbilo lepatululo.

Amushe fimanekeni eenghono dEdina Jesus!
Efa Ovaengeli vawe oombe;
Eteni po oshikoloni shouhamba,
Noku Mu dika Omwene waaishe.

¹²⁰ Omupofi Fanny Crosby, efimbo limwe. A ti, “Otashi ti ngahelipi kuove?” Vamwe... Ina landifa po oufembadalo waye afa Omupendekoste Elvis Presley a ninga, ile afa ongeleka-yo-Kristus Boone ya ninga, ile afa Red Folley a ninga, va landifa oipewa yavo kounyuni; ove na eenduba deeCadillac, needola-omiliyona, omapapa oingoldo. Ashike Fanny Crosby okwa kala shili konhele yaye. Okwa kuwa mo:

Ino koya nge, O Omuxupifi muwa,
Uda ekweno lelinipiko lange;
Fimbo ku vamwe Oove toifana,
Ino koya nge po.

Oove Ekunguluko leheleko lange alishe,
Shi dulife omwenyo kuame,
Olyelye ndi na kedu ehefi Ove?
Ile olyelye mEulu ashike Ove?

¹²¹ Ova ti, “Oshike nge oumupofi ngeenge wa i kEulu?”

Okwa ti, “Ohandi Mu shiiva, kutyoongahelipi.”

Ta ti, “Ongahelipi to Mu shiiva?”

Ta ti, “Ohandi Mu shiiva.”

Ta ti, “Mrs. Crosby, oto dulu okuninga eedola eemiliona.”

Okwa ti, “Inandi hala eedola eemiliyona.”

¹²² “Ongahelipi to Mu shiiva?” Okwa ti:

Ohandi ke Mu shiiva, ohandi ke Mu shiiva,
Nokukulilwa ponho Yaye ohandi ka fikama;
Ohandi ke Mu shiiva, ohandi ke Mu shiiva.

¹²³ “Nge kandi Mu weti, ohandi kumu oivadi yeembosha momake Aye.” Okwa finda oshivelo shomutondi waye. Eheni.

¹²⁴ Nge ou li muKristus! Okwa ti, “Nge to kala muAme, nEendjovo Dange tadi kala muove; pula oshapi ei wa hala, pula oshivelo eshi wa hala oku kufa; pula eshi to dulu, noto shi pewa. Nge to kala muAme, nOndjovo Yange tai kala muove, oto dulu oku kufa oshivelo shomutondi keshe osho tashi ya komesho yoye.” Ove Oludalo lopauhamba laAbraham.

¹²⁵ Oshivelo sholudi lilipi sha fikama komesho yoye? Nge osho ouyehame, ou dule omufindani molwa sho. Hano ohatu dulu tu tye, imba eimbilo eli liwa likulu:

Keshe eudaneko mEmbo ola nge,
 Keshe ekapiteli, keshe shovelise...noghee
 Alushe,
 Onde lineekela mohole Yaye Alushe,
 Osheshi eudaneko keshe mEmbo ola nge.

126 Otu dulife omufindani, nOludalo laAbraham ota li ka nangala oshivello shomutondi! Eshi tava ti Oinima ei itai ningwa, eshi va hala oku Yi ifana omunawii, ile Belsebul, ile shimwe shilili, Kalunga oku shii okufinda keshe oshivello ndele ta kufa omutondi.

Natu ilikaneni.

127 Omwene, Oludalo laAbraham...Ondi shi shii otave Shi mono, Omwene. Ongahelipi Ondjovo oyo yawa inai denga Edu olo lolela? Ohandi ilikana opo va udeko paife. Keshe omunhu oo e uya momukweyo weilikaneno a veluke.

128 Omwene, nge ope na vamwe omu natango, ovo ngaashi natango inava ninga elihepaululo lavo, hakufikama moipafi nokufikama molwa Kristus, velilongekide okulikala omalongoitavelo aeshe noutalala, ondjikilile, oinima yafya oyo yeva kufa ko kuOve. Ndele nava fikame paife, nokutya, "Ohandi Mu tambula onga Omuxupifi wange." Hano Oto ke va fikamena po mEfiku olo.

129 Fimbo tu na omitwe detu da nyongama, nge ope na ovo va hala oku fikama ashike okafimbo, molwa eilikanano, tya, "Onda hala oku fikama molwa Ye paife, opo Ye a ka fikamene nge po kEfiku olo, Moukalipo Waye Waalushe." Ohandi ku pula, noku ku pa omhito opo edina loye li tulwe mEmbo lOmwenyo, nge oto fikama. Ame itandi ku pula u djoine ongeleka yonumba. Ame ohandi ku pula u uye kuKristus, nge ouli apa ndele ku Mu shii.

130 Kalunga neku yambeke, mumati. Ope na mukwao, to ti, "Onda—onda hala oku fikama paife." Kalunga neku yambeke, kakadona. Kalunga neku yambeke, mumwameme wange. "Onda hala..." Kalunga neku yambeke. Kalunga neku yambeke. "Onda kufa efikamo lange, omutenya ou." Ovanhu ava wawa, ovalumenhu novakainhu, vafikama, "Ohandi kufa efikamo lange, omutenya ou."

131 Ndele efiku olo eshi ndokotola ta ti, "Iya, etekauko; ohonde yaye otai tika, efyo oli li ku ye, ile ku ye." Ile, ongula imwe, oto ka dimbuluka efikamo loye. Owa fikama molwa Ye paife.

132 "Nge owa fya Nge ohoni moipafi yovanhu, Ohandi ke ku fya ohoni moipafi yaTate Wange nOvaengeli vayapuki. Ashike nge oto hepaulula Nge moipafi yovanhu, oye Handi mu hepaulula moipafi yaTate Wange nOvaengeli vayapuki."

¹³³ Kalunga neku yambeke, mumwameme wange. Ope na vamwe mehalandjadja lwaapo? Paife ngaha, fimbo twa teelega. Vamwe vomuvo, vahapu molukolongo lakula? Oshi li nawa. Ohandi ku kufa pandjovo yoye, kaume.

¹³⁴ Nge Ondjovo ya wila mEdu loushoshu, shafa omukainhu munini pondungu, okwa—okwa udako. Okwa li a kalelwa po mEulu, okudja edi- . . . manga ediko lounyuni. Eshi Ouyelele oo we Yi denga, okwe Yi dimbulula.

¹³⁵ Kalunga neku yambeke, mumwatate wange. Osho oupenda. . . Kalunga neku yambeke, mumwatate wange. Oto dulu wa ninga oinima inene monghalamwenyo yoye; oto ningi oshinima shinenenene ino ninga nale, paife, fikama molwa Kristus.

¹³⁶ Tate wetu Omukwaulu, ombuto oya wila medu limwe, omutenya ou. Otu wete Omwenyo tau temuna. Ovalumenhu novakainhu va fikama keemhadi davo, naaveshe-vevete eisho laKalunga, Ou omudulyaaishe, omukalyaapeshe, omushivyaaishe, e va wete. Ovo Ye, Tate. Ohandi va yandje kuOve paife, onga omakopifindano.

¹³⁷ Eshiivo eli laavo va fikama opo paife, okushiiva osho va ninga, okushiiva eshi tashi ti, opo va fikame oku kufa efikamo lavo novadinwa vashona vOmwene. Nava kale alushe shili nafiyo Efiku olo va fikama mOukalipo Woye, hano Ewi olo lohole ta li ka tya, “Eheno, efiku limwe moBaton Rouge, ile onhele inini ya ifanwa Denham Springs, okwa fikama molwa Nge, Tate, paife Ohandi fikama molwa ye, ile ye.” Shi ninga, Omwene. Ovo Ye, mEdina laJesus. Amen.

Kalunga ne mu yambeke, molwa efikamo leni. Kalunga alushe. . .

¹³⁸ Paife ninga oshinima eshi molwa nge. Mona, nge ouli opo ovafita ava ve li, uwete vamwe, popya navo. Nge ino shashwa natango, meshasho lOukriste, shi ninga. Inda mweme mokaiti kovaitaveli paife, ovaitaveli lela, hava liningi-itaveli; ovaitaveli lela.

Fimbo hatu ilikana, natu ilikanene ounasituke ava.

¹³⁹ Tate Omukwaulu, ounasituke ava otava i paife; oko, ndi he shii. Pamwe otate a kulupa omupofi e li omutumba pondje apa mokadiva kanini lwaapenya, a teelega okanasituke aka ke uye; okahanana kanini ka nangala kwinya mombete yoshipangelo; omumeme a fikama, a lulilwa, a teelega ealuko lokanasituke. Tate Omukwaulu, ohandi ilikana kutya Oto i navo. Nomolwa edidiliko lOukalipo Woye nena, neitavelo letu muOve ngaashi twa udifa Ondjovo Yoye, eitavelo olo la li muAbraham, neitavelo olo la etwapo notwe li pewa kuJesus Kristus, nali ye pamwe nounasituke ava nokuvelula kesheumwe oo te ka tenhekwa. Ohatu va tumu, mEdina laJesus. Amen.

140 Paife okafimbo ashike, manga inatu ifana omukweyo weilikaneno. Omushiiivyaishhe naKalunga omunaenghono, omunene Umwe, omuwani-aishe Umwe... Alikana, ookaume, oha—ohandi ka tameke oku ilikanena ovanaudu, nonda... Tashidulika, ngeenge twa lotele, ota shi dulika ndi—ndi ha tye sha kunye; vamwe vomunye tamu dulu oku ya manga efimbo olo. Keshe osho uli, nge ino fikama nokuli, okafimbo ka ya, no ino shiiva. . .

141 Nge ove oshilyo shongeleka, osho oshinima shiwa, ashike osho inashi wana. Uwete, omupangeli omunyasha oshipuna okwa li oshilyo shongeleka. Uwete? Okwa pula Jesus osho e na okuninga a mone Omwenyo Waalushe. Ine U tambula nande. Okwa dja po. Oshinima shoulai ngahelipi komulumenhu oo omunyasha okuninga. Ino kufa onhele yaye. Oto dimbuluka efimbo laxuuninwa a li a didilikwa? Konima kanini, okwa punapala. Okwa ninga oshipuna. Okwa ya ponhele fiyo nokuli omaanda aye atopa. Ashike hano otwa mona edidiliko laye laxuuninwa, moheli, omitemo tadi hepeka. Ino, ino pitika osho shi ku ningilwe. Tambula Kristus.

142 Nye ovanhu vanyasha, nye oukadona vanyasha, ovamati vanyasha, ashike pealulo lomwenyo, alikana ninga ngaho. Udei nge, onga—onga omumwaxo, umwe ou e mu hole. Ame ondi li apa molwaashi ndi mu hole. Ondi hole Kalunga, nondi mu hole, noitandi dulu oku hola Kalunga nge nghe mu hole.

143 Ohandi dulu shihapu xwepo, nge ouna ewedelepo okuyandja, liyandja komonamati wange kwinya, ile umwe womounona vange. Handi ya ashike... Oha, ohandi i ndi heshina. Keshe omudali osho ta ningi ngaho; osho yo Kalunga. Uwete? E hole ovanhu Vaye. Holafaneni.

144 Oto ti, “Oto va ulile shike?” Ohole yovene oyo epukululo.

145 Nge okaana koye oke li omutumba mepandavanda; oto ti, “Iyaa, Junior oye winya omutumba. Kena okuninga ngaho, ashike inandi hala okuudifa nai omaliudo aye manini.” Ku mu hole. Ota dipaelwa ko. Nge ou mu hole, oto mu eta mo noku mu pa omanghava. Oto mu dulikifa.

146 Osho omukalo Kalunga ha ningi. Ohole oyo epukululo, nosho ohole yovene.

147 Ngeenge omuudifi a fikama nokweefa nye vakainhu mu bobee exwiki deni, nokuvava opainda noinima, noite mu pukulula, kape na ohole yovene opo; ndele iteshi popi mo. Nokweefa nye valumenhu mu hombole lutatu ile oikando inhe, naaishe yoinima ei ikwao, nokuya nayo, kape na ohole yovene opo. Efa u djoine ongeleka, noku ku fenga kombuda, noku ku ponda nomalongoitavelo amwe, hano, “Osho ashike una okuninga, osho djoine ongeleka iyapuki,” kape na ohole opo. Ile, pamwe, omunhu e li a kana filufilu, yemwene, ke wete ko.

148 Ohole yovene oyo epukululo, noku ku alulila kOndjovo yaKalunga.

149 Tala kuJesus, ongahelipi, osho Ye a ti, 'shaashi Oku va hole, unene kutya Okwa fya monhele yavo, eshi va li nokuli tava ifana Ohonde Yaye.

150 Paife Omhepo Iyapuki inene...Onda hala oku teelega ashike omunute. Ame nda teelega fiyo evaeko lOmhepo Iyapuki le uya kuame, manga inatu ka tameka. Onda kala nokuudifa. Tangi, molwa elongelokumwe leni.

151 Paife, keshe umwe omu, keshe apa uli, keshepamwe metungilo, ilikana ashike omunute, to ti, "Omwene Jesus, kwafe nge! Kwafe nge! Nandi kume oshikutu Shoye." Jesus okwa ti, ou shi shii, eshi omukainhu a kuma oshikutu Shaye, Ye ine shi uda, pambelela, ashike Okwa punguluka noku shiiva a li olyelye naashi a ninga. Oye Jesus elifa omutenya ou, Omupristeli Omukulunhu ta dulu oku kumwa keliudo loungone wetu.

152 Owa itavela, keshe umwe womunye paife, osho oshili, kutya Kalunga oo a ninga eudaneko eli, lumwe vali (ndeke Ne shi ulike) kutya otuli momafiku aSodom? Vangapi veshi itavela, metungilo, yelufa ashike eke loye.

153 Otu li, ngaashi sha li, muSodom. Omukalo aushe owa nyatekwa, omukalo wounyuni, kesheshimwe, omukalo wongeleka, omukalo wopapolitika. Kape na sha. Eepolitika oda dundakana yo. Omikalo, keshepamwe, ookanyamukulwa vetu, ashishe edundakana. Ongeleka ya ninga omukalo welifa. Omapata okwa ninga omukalo welifa. Edundakano ashike, Sodom!

154 Hano, dimbuluka, Kalunga oku shi na komesho yoye, hano dimbuluka Okwa ti kutya Ota dulu e likalelepo Yemwene mombelela younhu, nota ningi ngaashi Ye a ningila Sodom, manga Omona a udanekwa ine uya poshiningwanima. Okwa udaneka oku tuma umwe oo ta tetekele Omona a udanekwa, ngaashi Ye a ninga poshikando shotete, oo ta tongomona; nOkwa ti, "Eshi Omona womunhu a hololwa."

155 Nghi ku shii. Iya, Miss. Thompson, oupyakadi woukainhu oo nomaudjuu, owa itavela kutya Kalunga ote ku kaleke nawa? Oto shi itavele? Oto dulu? Miss., Miss. Thomas, owa itavela Ote ku kaleke nawa? Yelufa omake oye, hano.

156 Ope na omukainhu elyomotumba konima yoye. Ota ilikana. Oku na odindo.

157 Umwe elyomotumba a shaama naye, oupyakadi wedimo, tailikana yoo. Oto ke shi shekuna, ove ino tala. Ove ino dja apa. Owa dja koMississippi. Oove Mr. na Mrs. Kramer. Nge owa itavela nomutima woye aushe, Jesus Kristus ote ku kale nawa. Nge to shi itavele. Ou li? Hano shi tambula. Eewa. Yelufa omake oye opo ovanhu va mone kutya oove.

158 Nghi shii ovanhu ovo. Inandi va mona nale, monghalamwenyo yange. Ouna oku itavela, kaume. Ote li holola Yemwene. Owa itavela ngaho, nomutima woye aushe? [Eongalo ta li ti, "Amen."—Sd.]

159 Omolwashike wa puka omutwe woye, omufimanekwa, noku tala kuame ngaho? Eheni, omufimanekwa. Molwaashi owa ninga ngaho, ame ohandi ka popya kuove omunute. Ou li oludi omulumenweelela womukokele u li omutumba apa, wa tala kuame. Okwa tala kuame, nelitulemo olo. Okwe shi itavela. Oto ilikanene umwe oo ena ombada. Ashike—ashike oshinima shoye shinene to ilikanene, wa pumbwa, oto kongo eshasho lOmhepo Iyapuki. Oshi li mondjila. Uh-huh. Oshi li mondjila. Nge owe shi itavela! Omukainhu, oto kongo oilonga. Nopwaasho, opo u shiive kutya ondi li omuxunganeki waKalunga, ile omupiya, ou na omatando avala. Oshe ku fiila ounghundi. Omaludi aeshe eenghalo, oupyakadi wopamhepo. Onda hala oku ku lombwela ashishe osha pwa. Eitavelo loye leku kaleka nawa.

160 [Okanhele kehenasha mokateipa—Sd.]...elyomutumba popepi puove opo. Ota ilikana. Tala oku. Okwe ku uda, nowe Mu kuma. Nghi ku shii, ashike Ye e ku shii. Ohandi ku lombwele kombinga yaashi wa li to ilikanene. Owa itavela nomutima woye aushe? Ou na oupyakadi wokamunda komaxu, oto ilikana. Owa itavela kutya Kalunga ote ku velula noku ku kaleka nawa? Oove Mrs. Smith. Shi li mondjila. Yelufa eke loye.

161 Uwete, Ote li holola Yemwene. Oshikwa shike? Osho Oludalo laAbraham, eitavelo olo Abraham ena, Omwene Jesus Kristus mokati ketu, ta koleke Ondjovo Yaye, noilongadidiliko ya shikula.

162 Olye, oukalata vangapi vena oku ilikanenwa, yelufeni omake eni, ouna okakalata koye? Akutu, xwepo tu tameke omukweyo weilikaneno.

163 Ou wete, ou uditeko hasho? Paife omhepo oyo hayo aike. . . Hayo tai velula. Osho oku holola akuke Ye e li apa. Ovafita veni ove na ashike oufemba oku ilikanena ovanaudu. Iha ve shi ningi; ahawe, lelalela hasho. Ashike ove—ashike ove na ashike oufemba welifa, "Oilongadidiliko otai shikula ovaitaveli."

164 Paife onda hala ookaume kange ovafita apa. [Mumwatate Branham ta pula umwe, "Oshi li nawa oku ifana okudja mengungo, vahongi?"—Sd.]

165 Ovafita vangapi apa mwa itavela nomitima deni adishe, ovahongi omu, mwa itavela? Akutu, tangi. Onda kumwa nge ota mu fikama? Ileni apa, fikameni name ashike omunute, pedu lela apa, ilikaneneni ovaudu. Ileni lela pedu apa. Paife tala eveluko ta li kufa ombinga, tala osho tashi ningwa po.

166 Onda hala mu uye, okudja o—o omukweyo wa ndaabula apa. Ohandi uya pedu opo mokafimbo ashike, oku ilikanena

ovanaudu. Onda hala ovafita ovo va hala oku liholola vovene onga ovaitaveli. Kutya, omwa itavela, kutya okuuya kweni apa, omu li mwa yapuka, onghalamwenyo iyela. Dimbuluka, tala oku osho tashi di mo, okukalelapo Evaengeli laKristus!

¹⁶⁷ Mumwatate Blair, ondi ku shii kwinya, ove ile Mumwatate Pat. Folomeni omukweyo oo wa ndaabula omukalo hamu shi ningi alushe, nge ta mu dulu, ove naMumwatate Pat.

¹⁶⁸ Itaveleni ovafita ovo tava ka itavela! Paife, tala, nge Kalunga yo ta dulu e liholole Yemwene paNdjovo Yaye, nOndjovo Yaye, vangapi ve shi shii kutya Ombibeli, Jesus okwa ti ngaha, “Oilongadidiliko ei otai shikula ovo va itavela. Nge ova tenheke omake avo kovanaudu, otava veluka”? Ovafita, omwe uya apa oku liholola nyevene onga ovaitaveli. Omu li? Nye ovaitaveli (kamu shi?), ngeni ita mu kala ofika apa. Paife Jesus okwa ti shike? “Oilongadidiliko ei otai shikula ovo va itavela.” Ame omwiitaveli pamwe nanye.

¹⁶⁹ Ame ohandi uya pedu. Ava ovanhu vetu, ndele fye ovafita komaufita aa. Ame ohandi uya pedu oku tamununa onete yange pamwe nanye paife, tuleni omake ange noeni. Ndele eshi ovanhu ava tave uya po, nge ou na oshinima shi li ashike elimbililo linini momadiladilo oye, shikufa mo paife ngaha; opo kutya eshi ovanhu ava tave uya po, hano kesheumwe womuvo te uya po, nohatu tenheke kuvo, otava veluka. Oto itavele nomutima woye aushe paife, kesheumwe? [Ovahongi tava ti, “Amen.”—Sd.]

¹⁷⁰ Vangapi omu tava ka ilikanena vakwao ngaashi tava pitile, yelula eke loye, “Ohandi ka ilikana.”

¹⁷¹ Dimbuluka, tashi dulika oxo, onyoko, omonakadona woye ile omonamati, mumwanyoko ile mumwaxo. Ndele nge kashi fi shoye, osha umwe, te ke uya okupitila omukweyo ou. Ndele ngeni osha li ovo, nova li tava fi nokaangela, ile omikifi dimwe dohoni, ito hale omunhu a kale nelitulemo lomoule? Lelalela, ohatu dulu.

¹⁷² Paife, onda itavela, otamu ka ya ngahelipi... Paife ava momukweyo *ou* apa, omwaka ou, fikameni lwokombinga *inya*, nokakalata keilikaneno. Fikameni lwokombinga *inya*, amushe mu li moshitopolwa shokolulyo. Paife, ondjila, kaleni koshitopolwa shokolumosho; atushe otwa haka, ou wete, ndele ku shii kutya, oshike hatu ningi. Oshi li nawa, amushe mu li moshitopolwa *eshi*, fikameni *apa*. Paife, amushe mu li moshitopolwa sheke-lolulyo, ileni ashike ondjila ei, 'shaashi ota mu ke uya pedu, ileni apa.

¹⁷³ Ndele otamu i ngahelipi, otava dimo ngahelipi, Mumwatate Borders? Kombinga lela yomuvelo, ileni lela apa nometungilo vali.

¹⁷⁴ Onghee, eshi ombinga *ei* tai ka ifanwa, mominute dishona, notava ka fikama. Ndele natu tale paife kutya... Oshi li nawa, ovo mu li moshitopolwa *eshi*, shuneni ombinga

ei lwaapa. Kaleni noukalata veni veilikaneno, indeni lwokombinga ei. Nanye mehalandjadja, endeni mwa uka pedu oku va shakeneka kexulilo lomukweyo kwinya. Paife ava moshitopolwa eshi sheke-lolumosho, indeni lwokombinga yeke-lolumosho. Ndele hano, ou wete, nye folomeni omukweyo weni nokushuna ondjila *oyo*; shuneni monima, shuneni ondjila *oyo*. Uwete? Ndele tamu shikula omukweyo apa, hano itatu kala nelumbakano lasha nande.

175 Ndele hano nye pombada mehalandjadja, ningeni ashike eenhele deni nawa peemwaka, noku ya mo ashike ngaashi tave uya mo.

176 Paife, paife tamekeni ashike okweenda konima, kesheumwe, ukeni konima fiyo mwa shakeneka nomukweyo ou *apa*. Ileni ashike apa, pombada *apa*, tamekeni ashike oku uka oku noku uya komukweyo ou *apa*.

177 Akutu, oshike tashi dulu okuningwa po paife! Oshike tashi dulu okuningwa po! Eshi otashi ka kala efimbo opo shonumba shi na oku kufa ombinga. Oshi li nawa.

178 Paife, oshi li nawa, shuna konima kondjila *inya*, noku shuna momukweyo, ngaashi ngaho. Inda nomwaka ou. Oyo ondjila paife.

179 Ndele paife eshi mwa fikama, kesheumwe keemhadi doye, ohatu ka ninga eilikano. Neongalo eli ota li ka ilikana naame, opo oto ka kala nawa. Ashike kala una eitavelo paife. Ndele ino . . .

180 Ileni lela oku, okudilila konima, ileni lela oku nokujoina omukweyo ou konima apa. Ileni lela oku, ningeni omukweyo umwe wakula. Ileni lela nondjila *oyo*, nokuninga omukweyo umwe. Osho gaho.

181 Kesheumwe kala meilikano. Kala lela meitavelo paife. Ashike ino didilika ongudu paife. Dimbuluka, otu li—otu li twadingililwa kOukalipo waJesus Kristus, tashi di kufye oku fimaneka osho Ye a ninga mokati ketu, paku kala neitavelo mOndjovo Yaye.

182 Oshi li nawa. Paife otashi kala ashike nawa. Ohandi lipula kutya omukweyo otau i mo ashike shikumwifi.

183 Paife fimbo va fikama aveshe, onda hala keshe omunhu paife, metungilo, u nyongameke omutwe woye.

184 Omwene Jesus, oshi li popepi ku ningwa. Etokolo oli na okuningwa paife. Otwa itavela Ou li apa? Otu Ku hole? Otu na eitavelo, Omwene, lawanena osho hatu ka pula? Ovanhu ava otave liholola vovene paku fikama momukweyo. Omwene, ina shi kala moungho. Na shi kale, Omwene, opo va pitile apa, kesheumwe ota piti ashike ngaashi va li tava pitile koshi yaKristus, osheshi otu shi shii Oku li apa. Nohatu ilikana opo va tambule eveluko lavo. Ame ondi shi shii kutya nokuli moivike noivike tai uya, ovanhu ava ota va ka

ya kovafita vavo, ovakainhu ovo vena oupyakadi woukainhu, oupyakadi wedimo, omulumenhu noshipwiilila, omaludi aeshe omaupyakadi, otaa ningwa nawa, to ti, “Ou shi shii, oshinima sha fiya nge po ashike,” osheshi ove li mOukalipo Woye. Nave uye mo paife no—no ku kufa ko eshi Wa fila. Ovo Oludalo laAbraham, nOwe va findila. Nave uye nokutambula osho Wa yandja kuvo.

¹⁸⁵ Ndele, Satana, owa nyanwa oshivike eshi, fiyo wa shiiva kutya ou li oshifindwa. Jesus Kristus okwe ku finda kuKalvali. Okwa nyumuka mefiku etitatu, molwa eyukupalifo letu, nOkwa fikama mokati ketu paife. Neitavelo letu la tala kuYe, nokudja kuove ile keshe osho wa ninga. Efa ovanhu ava, mEdina laJesus Kristus.

¹⁸⁶ Oshi li nawa, tamekeni omukweyo. [Mumwatate Branham novahongi tava tenheke omake kovanaudu noku ilikanena kesheumwe momukweyo weilikaneno. Okanhele kehena sha mokateipa—Sd.]


¹⁸⁷ Otwa ninga ashike ngaashi Omunghona e tu lombwela tu ninge. Vangapi vomunye mwa ya okupitila omukweyo oo, itaveleni kutya ota mu ka kala nawa, yelufa eke loye. Onda djoina lange noloye.

¹⁸⁸ Oshike twa li hatu ningi kwinya, kexulilo, onga ongudu yovahongi opo; vahapu vomuvo va li va vela, ondi shi shii, ashike otava kendabala oku tula komesho onghendabala yavo oku tula mo eongalo lavo, kutya nee va ya mo ile hasho. Osho ovafita vovene. Ndele Omhepo Iyapuki oya ti kuame, “Va ninga va djoine omake ou nomukwao.” Otwa patela omitima detu neenete kumwe, nomailikano etu, kumwe.

¹⁸⁹ Jesus, va ninga nawa, unene. Ndele va ninga ovafita vakola, vakola mOndjovo yOmwene.

¹⁹⁰ Kalunga, ovamwatate, ne Mu pe omahalo aeshe omutima weni. Nye Mu longeleni omafiku aeshe, nomu kale eenghono daKalunga meenghalamwenyo deni, oku honganga ongudu e i iwa yovanhu. Jesus Kristus, Ou a kala pamwe nafye, noku li nanye efimbo alishe, Ye e li ninge Mwene a fimana unene kunye shi dule Ye a kala nale.

¹⁹¹ Ovanhu nye, vamwe vomunye ovo mwa li oingudu, ta mu dulu muha mone eyooloko pakafimbo, ta mu dulu muha mone eyooloko. Tala eshi Abraham a ninga. Ino ninga eyooloko lasha kutya; osho hasho to tale kusho. Ito tale komadidiliko oye. Tala kwaashi Ye a ti. Nge oto ti, “Ondi udite natango oululume,” osho kashi na sha nasho. Owa ninga osho Kalunga a ti ninga. Uwete, ino tala kwaasho. Tala kwaasho Ye a ti. Kalunga okwa ti osho sha li! Onde shi itavela. Nye? [Eongalo ta li ti, “Amen.”—Sd.] Nomutima wange aushe, onde shi itavela.

¹⁹² Omwene Kalunga ne mu yambeke fiyo handi mu mono vali. Omailikano ange oeni; oufiku iha laula unene, odula ihai loko idjuu unene. Ohandi kala noku mu ilikanena. Nye ilikanenei nge. Nafiyo twa shakeneni vali, Kalunga ne mu yambeke. Paife omumwatate ta wilike, uwete. 

OKUNANGALA OSHIVELO SHOMUTONDI KONIMA YEYELEKO OSH64-0322
(Possessing The Gate Of The Enemy After Trial)

Etumwalaka eli kuMumwatate William Marrion Branham, patamekelo layandjelwe mOshiingilisa mOsoondaxa omutenya, Maalisa 22, 1964 Denham Springs High School moDenham Springs, Louisiana, U.S.A., ola kufwa okudja kekwatelo lengenete teipa nola lanyanyangidwa metwokumwe mOshiingilisa. Efatululo eli Oshikwanyama ola nyanyangidwa noku andjakanekwa koVoice Of God Recordings.

OSHIKWANYAMA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Oufemba didiliko

Eemhito adishe oda kalekwa. Embo eli otali dulu okunyanyangidwa koprinta meumbo molwa elongifo lopumwene ile okuyandjwa po, oshali yovene, onga oshilongifo okuandjakaneka Evaengeli laJesus Kristus. Embo eli itali dulu ku landifwa, okwiindjipalekwa mondwanga, okutulwa kowebite, okutuvikilwa momukalo wonumba, okufatululilwa momalaka akwao, ile okulongifwa molwa eyambidido lopashimaliwa pehe na epitikilo laVoice Of God Recordings®.

Molwa ouyelele uhapu ile molwa oilongifo ikwao ili po, alikana kwatafana:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org